



Universitätsbibliothek Paderborn

**Georgii Calixti S. Theol. D. Et In Acad. Ivlia Primarii
Professoris Wiederlegung Der vnchristlichen vnd
vnbilligen Verleumbdungen/ damit Jhn D. Iacobus VVeller
ChurSächsischer Oberhoffprediger ...**

Calixt, Georg

Helmstedt

Constantinopolitana Tertia Synodvs, Qvae sextæ œcumenicæ titulum
gerit.

urn:nbn:de:hbz:466:1-36653

CONSTANTINOPOLITANA
TER TIA SYNODVS, QV AE
sextæ cœcumenicæ titulum
gerit,

NVlla sibi propria condidit capitula, sed ad priores sy-
nodos provocat, & rem omnem revocat. Profiten-
Actio ne 13. tur enim Patres & recitant symbola Nicænum & Con-
stantinopolitanum, & addunt se suscipere epistolas Aga-
thonis Papæ Romani, unam ad Constantinum Pogonæ-
tum Imperatorem, alteram ad Sergium Patriarcham
Constantinopolitanum missas; item tomum Leonis primi
sive magni, qui directus fuit ad sanctum Flavianum
Constantinopolitanum; quem & titulum rectæ fidei sy-
nodus appellavit: item synodicas epistolas Cyrilli con-
tra Nestorium scriptas. Subjungunt: Sequunt quoque
sancta quinque universalia concilia, & sanctos atque
probatos Patres concorditerque definientes confite-
mur Dominum nostrum Iesum Christum verum Deum
nostrum, unum de sanctâ & consubstantiali & vitæ ori-
ginem præbente Trinitate, perfectum in deitate, & per-
fectum eumdem in humanitate. Recitant videlicet
hic confessionem Chalcedonensem, & addunt; Duas na-
turales operationes indivisiæ, inconvertibiliter, insepa-
rabiliter, inconfusè secundum sanctorum Patrum do-
ctrinam adæquè prædicamus, & duas naturales volun-
tates non contrarias, (absit) juxta quod impii asserue-
runt hæretici, sed obsequenter ejus humanam volun-
tatem, & non resistentem vel reluctantem, sed potius
subjectam divinæ ejus atque omnipotenti voluntati.

Ex

*Ex epistola Agathonis, quam se probare synodus
testatur, hæc adiçimus.* Hic status est Evangelicæ at-
que Apostolicæ fidei, regularisque traditio, ut confi-
tentes sanctam & inseparabilem Trinitatem, id est, Pa-
trem & Filium & Sanctum spiritum, unius esse deitatis,
unius naturæ & substantiæ sive essentiæ, unius eam præ-
dicemus & naturalis voluntatis, virtutis, operationis,
dominationis, majestatis, potestatis & gloriæ. Quum
verò de uno earumdem trium personarum ipsius sanctæ
Trinitatis, Filio Dei, Deo Verbo, & de mysterio admis-
randæ ejus secundum carnem dispensationis confite-
mur, omnia duplia unius ejusdemque Domini salva-
toris nostri Iesu Christi secundum evangelicam traditi-
onem asserimus, id est, duas ejus naturas prædicamus,
divinam scilicet & humanam, ex quibus & in quibus
etiam post admirabilem atque inseparabilem unitio-
nem subsistit. Et unamquamque ejus naturam proprie-
tatem naturalem habere confitemur, & habere divinam
omnia quæ divina sunt, & humanam omnia quæ huma-
na sunt, absque ullo peccato. Et utrasque unius ejus-
dem Dei Verbi incarnati, id est, humanati, inconfusè,
inseparabiliter, immutabiliter esse cognoscimus, solâ
intelligentiâ (*quia diversitate personarum non distinguuntur*)
quæ unita sunt discernentes, propter confusionis dñ-
taxat errorem. Aequaliter enim & divisionis, & com-
mixtionis detestamur blasphemiam. Quum duas au-
tem naturas duasque naturales voluntates, & duas na-
turales operationes confitemur in uno Domino no-
stro Iesu Christo, non contrarias eas, nec adversas ad
alterutrum dicimus, nec tamquam separatas in dua-
bus personis vel subsistentiis, sed duas dicimus unum
cumdemque Dominum nostrum Iesum Christum sicut

naturas, ita & naturales in se voluntates & operationes habere, divinam scilicet & humanam: divinam quidem voluntatem & operationem habere ex aeterno cum coessentiali Patre communem; humanam, temporaliter ex nobis cum nostrâ naturâ susceptam. Hæc est Apostolica atque Evangelica traditio.

Epistola Leonis ad Flavianum celeberrimam & passim tum in hac sextâ synodo tum alibi laudatam proponit sententiam: Agit utraque forma sive natura cum alterius communione quod proprium est, Verbo scilicet operante quod Verbi est, & carne exsequente quod carnis est. Vnum horum coruscat miraculis, aliud succumbit injuriis. Et sicut Verbum ab æqualitate paternæ gloriæ non recessit, ita caro naturam nostrigenit non reliquit. Vnus enim idemque est, quod s̄a pe dicendum est, verè Dei filius, & verè hominis filius. Deus per id, quod in principio erat Verbum, & Verbum erat apud Deum, & Deus erat Verbum: homo per id, quod Verbum caro factum est, & habitavit in nobis. Deus per id, quod omnia per ipsum facta sunt, & sine ipso factum est nihil: homo per id, quod factus est ex muliere, factus sub lege.

*Hæc Monotheletis, & Nestorianis Eutychianisq;
reliquis sexta œcumenica synodus
opposuit.*



MILE.